

06 細漢耍抽鬮仔

洪牡丹

佇我細漢的時，有一工咧擗厝內，去反著無欲愛的一寡紙條仔。我雄雄想著，若是佇頂面寫字，了後對拗閣對拗，按呢就變做一款「抽鬮仔」的要法。繼落來我閣四界揣幾項仔看起來好好，毋過已經用袂著的物件，親像是無欲耍的玻璃珠仔、學校分的文具攞提來當做獎品。若是抽著「著獎」抑是「恭喜」，就會當揀一項去。攞好趕緊提予我的姊妹仔抽看覓，我猶閣會記得我的姊妹仔攞耍甲笑哈哈。了後個竟然嘛家己攞變出各種有個家己特色的「鬮仔」，我不時嘛去抽著個進前對我遮抽去的物件。閣較諷的是，竟然嘛有歹去的迤迤物仔、斷跤斷手的尪仔、對算盤落落來的子仔……。你共想看覓，繼落這個要法對阮兜湊出去，厝邊頭尾時行起來的時陣，會舞出佻濟笑談代。

逐家的「擔仔位」排做伙的時，有夠鬧熱，親像一个小小的市仔。所費較濟的囡仔，個的獎品攞是較好的抑是新買的，阮逐家看甲強欲流瀾。猶毋過想欲抽著，無遐爾簡單，可能著愛提出今仔日全部所趁的物仔，才會當換著一改，通好去抽彼个上高級的「抽鬮仔擔」，閣無定著抽會著。若是抽無著，今仔日就「倒擔」囉！「倒擔」了後，當然嘛是四界閣去揣看敢有啥物原本無揣著的物件，通好

揀去做獎品，抑是自動去擗掃厝內外，看有所費通討無？猶閣有人發覺講家己哪會遐歹運，逐擺都攞予人抽著獎品，強強欲倒矣，一下檢查才發現，自頭咧做鬮仔的時，就袂記得做無著獎的鬮仔，當然逐个嘛著獎，予人抽甲爽歪歪。

大人那泡茶開講，那笑笑看阮這陣少年頭家咧做生理，有人花花仔，有人倒擔去，有夠趣味！阮全部的擔頭家攞足向望遐的序大人會當來交關，按呢阮才有較濟現金，毋過個才無咧惹咧，袂開錢換一寡無路用的物件轉去，予人當做盼仔，連來交關一下都無通，干焦目睷金金看阮咧變啥魷，予阮逐个氣甲欲死。這馬想起來，實在是有夠笑談！